

Na osnovu člana 8., a u vezi sa članom 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 26. Zakona o sistemu poboljšanja kvaliteta, sigurnosti i o akreditaciji u zdravstvu („Službene novine Federacije BiH“, br. 59/05, 52/11 i 6/17) i Pravilnik o bližim kriterijima za izbor predsjednika i članova Upravnog odbora Agencije za kvalitet i akreditaciju u zdravstvu u Federaciji Bosne i Hercegovine („Službene novine Federacije BiH“, br. 79/13, 19/17 i 28/18), Federalno ministarstvo zdravstva objavljuje

JAVNI OGLAS

ZA UPRAŽNJENE POZICIJE U UPRAVNOM ODBORU AGENCIJE ZA KVALITET I AKREDITACIJU U ZDRAVSTVU U FEDERACIJI BOSNE I HERCEGOVINE

1./ UPRAŽNJENA POZICIJA

Oglašavaju se upražnjene pozicije u Upravnom odboru Agencije za kvalitet i akreditaciju u zdravstvu u Federaciji Bosne i Hercegovine (u daljem tekstu: AKAZ), i to **3 (tri) člana**.

Saglasno članu 2. Pravilnika o bližim kriterijima za izbor predsjednika i članova Upravnog odbora Agencije za kvalitet i akreditaciju u zdravstvu u Federaciji Bosne i Hercegovine, Upravni odbor AKAZ-a čine:

- 2 (dva) člana - lica sa završenim fakultetom zdravstvenog usmjerenja, i
- 1 (jedan) član – lice sa završenim pravnim, ekonomskim ili fakultetom društvenog usmjerenja.

2./ OPIS UPRAŽNjenih POZICIJA

Djelokrug rada Upravnog odbora AKAZ-a, u smislu člana 27. Zakona o sistemu poboljšanja kvaliteta, sigurnosti i o akreditaciji u zdravstvu, je:

- donošenje statuta AKAZ-a i drugih općih akata,
- utvrđivanje planova rada i razvoja AKAZ-a, godišnjeg programa rada, te praćenje njihovog izvršenja,
- donošenje finansijskog plana i usvajanje godišnjeg obračuna, te briga o finansijskoj održivosti AKAZ-a,
- razvijanje i odobravanje politika i procedura za direktora AKAZ-a,
- razvijanje, implementiranje i evaluiranje sistema akreditacije u zdravstvu,
- propisivanje kriterija za imenovanje nadležnih ocjenjivača vanjske provjere kvaliteta, te utvrđivanje Liste nadležnih ocjenjivača vanjske provjere kvaliteta,
- donošenje odluke o izdavanju akreditacije, ukidanju, odnosno obnavljanju akreditacije zdravstvenoj ustanovi,
- imenovanje i razrješavanje direktora, kao i rukovodnih radnika AKAZ-a, uz saglasnost federalnog ministra zdravstva,
- obavljanje i drugih poslova saglasno zakonu, propisima donijetim na osnovu zakona, kao i Statutom AKAZ-a.

3./ MANDAT

Predsjednik i članovi Upravnog odbora AKAZ-a imenuju se na period od četiri (4) godine i mogu biti ponovno imenovani za još jedan mandatni period.

4./ OPŠTI USLOVI

Kandidat za pozicije u Upravnom odboru AKAZ-a, pored uslova utvrđenih u Zakonu o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), dužan je ispunjavati i sljedeće uslove:

- da je državljanin Bosne i Hercegovine (uvjerenje o državljanstvu ne starije od tri mjeseca),
- da je stariji od 18 godina (ovjerena fotokopija lične karte ili CIPS-ova potvrda /uvjerenje o prebivalištu/boravištu/ ne starija od tri mjeseca),
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije kandidiranja (izjava kandidata potpisana i ovjerena od strane ovlaštenog tijela ne starija od tri mjeseca),
- da se na njega ne odnosi član IX. 1. Ustava Bosne i Hercegovine (izjava kandidata potpisana i ovjerena od strane ovlaštenog tijela ne starija od tri mjeseca),
- da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima u Federaciji Bosne i Hercegovine (izjava kandidata potpisana i ovjerena od strane ovlaštenog tijela ne starija od tri mjeseca),
- da nije direktor AKAZ-a, federalnog odnosno kantonalnog zdravstvenog zavoda ili zdravstvene ustanove (izjava kandidata potpisana i ovjerena od strane ovlaštenog tijela ne starija od tri mjeseca),
- da nema privatni finansijski interes u AKAZ-u u čiji se upravni odbor kandiduje (izjava kandidata potpisana i ovjerena od strane ovlaštenog tijela ne starija od tri mjeseca),
- da nije član ni u jednom upravnom, odnosno nadzornom odboru ustanove, zavoda, odnosno privrednog društva sa većinskim državnim kapitalom (izjava kandidata potpisana i ovjerena od strane ovlaštenog tijela ne starija od tri mjeseca).

Izjave iz alineja tri do osam ove tačke, koje kandidati potpisuju i ovjeravaju, moraju da glase identično sadržaju navedenom u ovim alinejama.

5./ POSEBNI USLOVI

Kandidat za pozicije u Upravnom odboru AKAZ-a, pored uslova iz tačke 4. ovog oglasa, treba da ispunjava i sljedeće uslove:

- da ima završen VII stepen stručne spreme, odnosno visoko obrazovanje prvog ili drugog ciklusa stečeno po Bolonjskom sistemu obrazovanja: zdravstvenog, pravnog, ekonomskog, društvenog ili tehničkog usmjerenja (ovjerena fotokopija diplome; a ukoliko je diploma stečena u inozemstvu prilaže se i ovjerena fotokopija rješenja nadležnog organa o nostrifikaciji stečene inozemne isprave),
- da ima najmanje pet godina radnog iskustva na poslovima svog stručnog zvanja (potvrda o radnom iskustvu),

- da ima stručno znanje iz djelatnosti AKAZ-a u čiji upravni odbor se kandiduje, te da je upućen u sadržaj i način njihovog rada i
- da ima radno iskustvo u oblasti poboljšanja kvaliteta, sigurnosti i akreditacije u zdravstvu, odnosno na poslovima zdravstva.

6./ OSTALI USLOVI

Prilikom procjene kvalifikacije i iskustva kandidata, u obzir će se uzeti i sljedeće:

- sposobnost za savjesno i odgovorno obavljanje poslova,
- sposobnost nepristrasnog donošenja odluka, organizacione i komunikacione sposobnosti,
- dokazani rezultati rada ostvareni u toku radne karijere.

7./ POTREBNI DOKUMENTI

Uz prijavu na javni oglas kandidati su dužni dostaviti:

- **dokaze (originalne dokumente ili ovjerenu kopiju dokumenata ne stariju od tri mjeseca) o ispunjavanju opštih i posebnih uslova, kao i**
- **biografiju o kretanju u službi (original i svojeručno potpisanu), s obaveznim navođenjem adrese i kontakt telefona.**

Ukoliko kandidati posjeduju dokaz o naučnom zvanju, uvjerenja/certifikate o stručnim usavršavanjima, stručna i/ili profesionalna priznanja, nagrade, preporuke i sl. kojima se mogu dokazivati kriteriji iz točke 5. alineje 3. i 4. ovog oglasa, iste mogu priložiti uz prijavu (ovjerena fotokopija).

8./ OSTALO

Lični podaci o kandidatima su tajni i isti će se prikupljati i obrađivati u skladu sa Zakonom o zaštiti ličnih podataka („Službeni glasnik BiH“, broj 12/25).

9./ PODNOŠENJE PRIJAVA

Javni oglas za podnošenje prijava ostaje otvoren **15 dana** od dana posljednjeg objavljivanja ovog oglasa, a isti će biti objavljen u dnevnim novinama „Večernji list“ „Dnevni avaz“, kao i „Službenim novinama Federacije BiH“.

Prijave sa dokazima o ispunjavanju uslova dostaviti lično ili putem pošte, preporučeno, na sljedeću adresu i s obaveznom naznakom kako slijedi:

**„FEDERALNO MINISTARSTVO ZDRAVSTVA
S A R A J E V O
Ul. Titova broj 9.**

**Prijava na Javni oglas za upražnjene pozicije u Upravnom odboru
Agencije za kvalitet i akreditaciju u zdravstvu
– ne otvarati“**

Na poleđini koverta navesti:

- **ime i prezime podnosioca prijave,**
- **adresu i**
- **kontakt telefon.**

Neblagovremene i nepotpune prijave neće se uzeti u razmatranje.

Svi kandidati koji budu stavljeni na listu s užim izborom biće pozvani na intervju pred Komisijom za provođenje postupka izbora Upravnog odbora Agencije za kvalitet i akreditaciju u zdravstvu u Federaciji Bosne i Hercegovine. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije.

Po okončanju postupka izbora, imenovanje predsjednika i članova Upravnog odbora Agencije za kvalitet i akreditaciju u zdravstvu vrši federalni ministar zdravstva u Federaciji Bosne i Hercegovine u skladu sa članom 26. stav 3. Zakona o sistemu poboljšanja kvaliteta, sigurnosti i o akreditaciji u zdravstvu.

U slučaju kada postoje dokazi da u postupku imenovanja nisu ispoštovana načela ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, može se podnijeti prigovor na konačno imenovanje odgovornom javnom službeniku, a kopija se dostavlja Ombudsmenu za ljudska prava Bosne i Hercegovine.